



ԲԱԶՄԱՎԷՊ

Թ. ՏԱՐԻ ԹԻՒ 13 .

1851

ՅՈՒՆԻՍԻ 1 .

ՆԵՐՐՈՂԵԱՆ ՅԵՐԶԱՆԻԿ ՆԱԽԱՀԱՅԻ ՈՒԽՏԻՍ

Ի ՄԵԾՆ ԵՒ Ի ԼՈՒՍԱՆՈՐՈԳ ՄԻՒԹԱՐ՝

Բ.

ԱՐԿԻՆ ձայնք են, Հարբ իմ և Սար
դապետք, ընտրելոցն Լստուծոյ . ձայն
բարբառոյ քարոզութեան՝ որով ընդ եր-
կրածնացս խօսին, և ձայն բարբառոյ
վշտաց և արեան՝ որով ընդ երկնից
բարբառին : Պատգամքն աստուածե-
ղէնք երկնաւոր վարդապետին և բազ-
մապատիկ սքանչելիք, յանարգ փայտ
մահու առեալ ածեն զնա . և առ փայտն
անարգութեան խուռն դիմեն ազգք և
ազինք յերկրպագութիւն . և նորա վը-
կայիցն արիւնք, նորա արգասաւոր զձըշ
մարտահաւատ դաւանութիւնս մեր
պտղաբերեցին : Ընդ նոյն փորձ զը-

ժուարին անցանել առաջի կայր և Սխի-
թարայ . ո՛հ, բարերարել փափաքէր,
վասն որոյ զգին քրտանց իւրոց և ա-
րեան պաղատէր : Սէր Լստուծոյ իբ-
րև զիւղ սրբազան արկեալ էր ՚ի սիրտ
Սխիթարայ . հուր էր և սէր ազգին որ
զայն վառեալ բորբոքէր . մեծ էր խոր-
հուրդն նորա բարերարել ազգին, և մե-
ծագոյն ևս այնու, զի ոչ միայն յերկ-
նաւորն ապաստան վստահացեալ էր օգ-
նականութիւն, այլ և յերկրաւոր բա-
րերարելոցն երախտամուտաց ապաշնոր-
հութիւն . զիտելով չափ եթէ ՚ի նոցա
օժանդակելոյ հոգւոյն զեղանին առա-
տանան շնորհք : Տեղի տացեն, աղաչեմ,
յաւք ձեր և հեծութիւնք, զի զՍխի-

1 Զառաջին մասն ճառիս գտցես յէջ 129 :

Թար տարագիր տեսէք 'ի հայրենեացն , տարագիր և յայգւոյն զոր քրտնալիր ուռգեաց . պնդեցան նորա զհետ աճապարել զհոսանս օգնականութեան երկնից 'ի վերայ Ս'խիթարայ . լի եղեն սրտմտութեամբ , զի լցցին ողորմութիւնք Մտուծոյ . բարկացան , զի Մտուած քաղցրասցի . հայհոյեցին , զի Մտուած օրհնեացէ . եղին խափան և արգելս ոտից նորա , զի Մտուած առաջնորդեացէ . նորա երևելեօք , Մտուած աներևոյթ վառեալ զօրութեամբ : Եւ կարի իսկ քաջ . Ս'խիթար սիրեաց զհայրենիս , քանզի սիրեաց զՄտուած . սիրեաց և զՄտուած , քանզի զհայրենիս սիրեաց . երկնաւորին ցանկացաւ հայրենեաց , զերկրաւորս իբրև սանդուղք իմն լուսեղէն առ այն կազմեալ . զհայրենի երկրին արտասուօք և ապաժոյժ քրտամբ զհոգն եթաց , և յերկինս զուրախութիւն գանձեաց . աստէն զվիշտս , անդէն զբերկրութիւնս . աստ զցաւս , անդ զհրճուանս . յերկրի հոգ և անդաճմունք , յերկինս խաղաղութիւն յետուսաւանդ , զմահն յանձն առեալ վասն երկրաւորիս , զի անդէն զկեանս ժառանգեացէ : Եւ մտանէր յասպարէզն Ս'խիթար զերկնից և զերկրի միանգամայն զաչս յինքն ձգելով , երկրայնոցս զամենայն ճիւղն յանձին կալեալ խոչ և խափան ոտից աւետարանչին խաղաղութեան արկանել , և երկնայնոցն 'ի վերայ ուսոց իւրեանց բարձեալ տանելով , զի մի զբարի հարցին ոտք նորա :

Քաջի և արուեստագէտ ճարտարապետի գործ է ապաքէն եթէ զխարխալեալ ինչ շինուած կամիցի նորոգ կառուցանել , մերձ մատուցեալ ուշի ուշով քննել եթէ որ այն պատճառք դրդուանայն իցեն , և զիսորդ հաստահեղոյս և ամրապինդ մարթասցի զէնսն կառուցանել : Եւ աւել քան զիմաստուն ճարտարապետ՝ Ս'խիթար մերձենայր նկատել զհայաստան . զաշխարհն՝ զորոյ ճարտարապետն բոլորից անդնդալիր ձգեաց զհիմունս , և զոր հաստատուն գործեցին քրտնալիր վաստակքն և արիւնք հեղեալք : Վարունս իմն գաղտնա

ծածուկ զտգիտութեանն տեսանէր , ուստի սպրդեալ սողոսկի սատանայ , և կերպարան զհրեշտակին լուսոյ արկեալ զանձամբ վեր 'ի վայր զեկեղեցւոյ կարգացն բարեգարդութիւն տապալէ : Եւ տգիտութիւն ոչ վարկաբարձի՝ այլ 'ի հաւատոյս , և զանխնամ դաստիարակութիւն մանկտուոյ : Մտարեզ իմն էր այն լայնածաւալ , և առաջի կայր աստուածային սիրոյն և հայրենեացն զինեալ զօրութեամբ անցանել 'ի հանդէս՝ յոր բազմաց մուտ գտեալ և ելի աղագս ոչ գտանէին . և յոր անմտութիւն իցէ ձեռն արկանել , եթէ ոչ մերձ Մտուծոյ օգնականութիւնն լինիցի : Եւ այց խորհուրդք լայն և ընդարձակ , և աւուրք համառօտք տուան մարդոյ . վասն որոյ և որ զփրկագործ չարչարանսն յանձին կալեալ , Թափելոյ էր զմարդիկ 'ի գերութեան կապանացն , աշակերտս արժանաւորս անուան իւրոյ և աստուածային վարդապետութեանցն 'ի վեր երևեցուցանէր : Եւ նոյն և Ս'խիթար խորհեցաւ , և իբրև զփրկիչն իւր երևի յեզերս Յորդանանու , սկիզբն առնել յաղթական աւարոյն . պատմէ զաւետարանին վարդապետութիւն , արկանէ զուռկան աստուածային սիրոյն 'ի ծով աշխարհի , 'ի խորանդունդն և 'ի լայնածաւալ , որոյ ալք իւր յաւիտենից և հողմունքն անլուելի , Եւ գան մօտին մերձենան առ վարդապետն , որք խաչիւ յաղթանակելոց էին , յօժարք դիմագրաւ նահատակ անցանել վշտաց և հալածանաց : Եւ ահա տեսանեմ ես զնոսա որք իբրև զիւր խոնս և զթագաւորս հրամանատարս ազգաց , սփռին ծաւալին ընդ ողորտ հայաստանեայց . քարոզք՝ որք ինքնին ելցեն 'ի խաչ , փոխանակ զխաչին ուսուցանելոյ ճանապարհ . որք հացիւ ցաւոց և ջրով արտասուաց 'ի խաւարարգել դիպահոջ յազեցցին : Քանզի արժան է ապաքէն , որպէս և ոմն յաստուածաւ մերձից արանց ուսուցանէր , զի որ ըզբանն կենաց ազգէ յունկն ժողովրդեան , ահագին և մեծավայելուչ իմն բարբառով զբանսն յօղեացէ : — Եւ որ այն իցէ , նոյն աստուածարեալ այր հար-

ցանկէ, բայց փողն աւագափող օրինակի բարեաց, որ ճարտարախօս և պերճաբանն է քան զամենայն բարբառ, և անցանէ մինչև ցորոշումն յօղից և ուղղոյ. ձայն է նա որ զմայրսն փշրէ ըստ մարգարէախօս պատգամաց, որ խռովեցուցանէ զանապատս սրտից և հատանէ բոց 'ի հրոյ, զջուր արտասուաց և զհուր աստուածային սիրոյն՝ յանապատացեալ սրտիցն միանգամայն բղխեցուցանելով: Ոգի 'ի բռին վաստակին առաքեալքն Սխիթարայ. և իբրև զաշակերտս քաջի հովուապետին զուղղոցն իննսուն և ինն գումար թողեալ յամէնընկալ փարախի Քրիստոսի եկեղեցոյն, զհետ միոյ կորուսելոյն թափ առեալ շրջին, անցանել ընդ վախս և ընդ երէզ. զբիրտն ընդ արտասուս խառնել, զհառաչանս ընդ լալեացն կցորդել, մինչև զօչխարն գտանիցեն մոլորեալ, և 'ի վերայ ուսոց իւրեանց բարձեալ, լի հրճուալից ուրախութեամբ բերկրապատար խնդութեանն իւրեանց հաղորդս զբարեկամն կոչիցեն. . . ՄԵՆ ոչ և սիրտք ձեր քստմնիցին յորժամ զբարեկամն թուեցեալս, 'ի թշնամանադիր նենգութիւն կերպարանափոխ լեալս տեսանիցէք, որք ոչ միայն նոցա խնդութեանն հրճուակիցք ոչ լինիցին, այլ և նախանձու բարկութեամբ սպառազինեալք 'ի վերայ վարդապետին դիմեալ արշաւիցեն եթէ՝ «Սէս, զինչ ասեն դոքա», . . . — ՄԵՆ եթէ դոքա լըռեսցեն, քարինք աղաղակեսցեն. ձայն տացեն նոքա որոց զաչս շլացութիւն նախանձու ոչ կուրացոյց և զորս ճմարտութիւնն լուսաւորեաց. վկայք 'ի մէջ անցյեն Սեբաստիա և Եղեղիա, Լնկիւրիա և Բերիա, Լնթափ և Բիւզանդիոն, որք քստմնէին իմն եթէ զիարդ հալածական մերժին այնոքիկ, զորս պարտ էր սիրով ողջագուրել. . . ՄԵՆ ոչ, չար և յոյժ ամենաչար է ախտ նախանձու. զի ոչ պատկառեաց նա և 'ի փրկիչն թափել զիւր լեղի դառնութեան. զաշխարհի հաշտարարն՝ խռովայոյզ համբաւել, և զհանուրք բարերարն՝ յարիւն թաթաւել: Երկէք զաչս և տեսէք զտուն

հայրենեաց մերոց, տեսէք զնա հողմաւորեալ և տատանեալ. տեսէք զյորձանապոյտ ալիս գազանացեալս, զաշինամպոց և զառաչիւն փայլատականց. տեսէք զկիրս նախանձու և ատելութեան, զայրագին յարձակեալս 'ի վերայ Սխիթարայ. ո՛ր անգութ չարութիւն, ո՛ր եռանդն բարեսէր. զՍխիթար ոչ այլ ինչ համարիմ ես քան զանկինակալ վէմ մեծի շինուածոյն՝ զոր հաճեցաւ Տէր 'ի փառս իւր հաստատել յազգի մերում: Սալացեալք էին սրտիւ և թշնամիքն Սխիթարայ, և յընդմիմեանս բաղխել, կայծակունք աստուածային սիրոյն 'ի վեր ոստնուին: Արքատէին զատամուծնս իւրեանց 'ի վերայ առնն Եստուծոյ, և բարձրագոյց յերկինս 'ի վեր աղաղակէին. աղաղակէր և Սխիթար 'ի ձայն մեծ, զի մի հալածչացն ձայնք մինչև յաթոն ամենապալին 'ի վեր ելցեն, և զարդարադատ ցասմանն ահեղընկէց շանթիս յերկիր թօթափեսցեն. յերկիրն զոր սիրով սիրեաց և արտասուօք եթաց, յերկիրն յորմէ արդ տարագիր մերժէր և յորում դաւադիրքն բազմանան կենաց նորա. բայց ձայն նոցա վայրենի կատաղութեան էր, և Սխիթարայն քրիստոսանուէր հեզութեան. և Եստուած լսէ նմա: Դոքա իբրև զխառնաղանձն հեբրայեցի գուշն սրտմտութեամբ եթէ խաչեսցի որ խռովէն զազգս. և նա թէպէտ և խաչեալ նեղութեանց, 'ի իրաչէ անտի զաստուածայինն արձակէ ձայն զանգիտութեան մեղանան անյիշատակ առնել: Դոքա զարիւնն ինդրեն անպարտական 'ի վերայ անձանց և 'ի վերայ որդւոց իւրեանց, և Սխիթար զայն յԵստուծոյ պաղատի 'ի վերայ անձին և 'ի վերայ անձանց ընկերաց իւրոց և 'ի վերայ մեր:

Յառնէ յոտն կայ Սխիթար թօթափել զփոշին յոտից. զինքն և զիւրն ամբայուցանէ յանառիկ դղեկի ձեռաց աստուածամօրն, և իբրև զնոր ոմն Սովսէս կացեալ առ ափամբ կոհակացն դիզացերոց Արամիր ծովուն, քաջալերս հօտինն փոքու ազգէ, միով ձեռամբ զեր-

կնից օժանդակութիւնն ցուցանելով նու
ցա եկեալ հասեալ, և միւսոյն 'ի խորս
յորձանապտոյտ ծովուն զձանապարհն
ցուցանելով զոր պատրաստէր Մտուած
'ի փրկութիւն : Նորա թէպէտ և ան
երկմիտք ընդ վերին օգնականութիւնն,
բայց զձայն լուեալ զկուտակելոց ջուրցն,
և զահագնագոչ սպառնալիս յորձանուտ
ալեացն տեսեալ, զահի զդողանի հա
րեալ երկիւղիւ պակչէին . բայց այրն լի
չնորհօք՝ միտարէր սրտապնդէր զնու
սա, և առեալ ածէր մինչև 'ի Պեղոպոն
տիա . անդ պատրաստէր նմա Մտուած
զոր յերկրի հայրենեացն թուէր զլանալ .
անդ սիոփանս ընդ ցաւոցն ընդունէր
Սխիթար . և որք իբրեւ խռովարարս
ոմանս մերթէին, խաղաղութեան հրեշ
տակք 'ի բնակչացն վկայէին . որք տա
պալիչք աստուածային կարգացն համ
բաւէին, զնոսա մեծաջան վաստակա
սէրս 'ի պաշտօն Մտուածոյ և 'ի փրկու
թիւն հոգւոց քարոզէին : Նշտի քա
հանայք տեսուն, ո՛հ քստմնիմ ասել,
սեղանոյն պաշտօնեայք, զգործն տէ
րունի տապալել խորհին . աստի կորն
թացւոցն քաղաքի մեծ դիտապետ վկայ
և ջատագով 'ի մէջ անցեալ բազմի . ան
տի խռովայոցք յիշխանաց զաղաղակ
բառնան անձեւս բնաջինջ զՍխիթար
կորուսանել, աստի ընդդէմ նոցա ոսոխք
արձանացեալ բազմին իշխանքն պա
տուականք լանոյ և Սոչէնիկոյ . նորա
հալածեն, սորա վայելչակերտ տուն և
տեղի բնակութեան նմա չնորհեն . նու
քա հռչակ հարկանեն զՍխիթար իւ
րովքն անաշխարհիկ թափառական կու
րուսեալ, սորա 'ի ձայն փողոց և նուա
զարանաց զհիմունսն ձգեն զտեսառնա
բնակ տաճարին :

Բայց և ոչ աստ էր երկիրն խաղաղութեան,
այլ առհաւատչեայ և եթ էր
այս Մտուածոյ աւետեացն . ո՛հ, հարկ
էր նմա թողուլ և զայս սուն, թողուլ
զհիւրամեծար ափունան, թողուլ և զու
մանս յորդուց իւրոց . . . և թողուլ 'ի
բերան վայրենացեալ սրոյ թշնամոյն . . .
զի որ պարգևեացն նմա զայսոսիկ տէր,
միւսանգամ 'ի բաց առնոյր 'ի նմանէ :

Մէջ, դժուարամարտ էր արդարեւ հան
դէս սիրոյն, և մեծ, եթէ տայք ինձ
ասել, քան զԱբրահամուն պատարագ .
զի ոչ զորդին և եթ, այլ և զանձինս,
զեղբարս, զվիշտս և զտառապանս հա
նէին յողջակէզ . . . Մէջ, մի տէր . շատ
իսկ զհաւատարիմ պատուիրանապա
հութիւնն փորձեցեր զքոյոյ ծառայի .
հայեաց յարտասուսնորա և յարտասու
որդուց նորա . հայեաց 'ի չքնաղակերտ
մենաստանն զոր ամենազօր ձեռն քո
կաւոյց, և զբրտունս հնգետասան դառ
նակակիծ ամաց 'ի միում ժամու կորու
սանիցեն . մի դարձեալ ոչ ելանիցես 'ի
խնդիր տաան արդարոյ, ուր ահաւասիկ
հոյլք նոցա, որպէս զարմաւենիս ծաղ
կեալ շուրջ գան զսեղանով քով : Մէջ,
մի խորշակ դառնութեան զնորնձիւղ
բողբոջն ցամաքեցուցէ զհայաստան
ազին . . . Բայց շուկ ահաւոր մարտին
բառնայր զամենայն ակնկալութիւն 'ի
սրտից նոցա . և խորհուրդք աստուա
ծայինք անհետազօտելիք են մարդկայ
նոյ տկարութեան աչացն . քանզի ձեռնն
բարերար ոչ զգարիս և եթ, այլ բազում
այն է զի և զբարիսն 'ի մէջ հեռացու
ցանէ՝ որոց արտաքին և եթ կերպարանք
են լաւութեան : Վարովին գութք իւր
նամոցն Սխիթարայ . զաչան արտա
սուալից և զձեռնս դողդոջոտս յերկինս
'ի վեր ամբառնայ, և սրտառուչ զօրհ
նութիւնս մաղթէ վասն փոքու հօտին,
զոր այնուհետեւ ոչ մարդ մահկանացու,
այլ երկնից կամք տարագիր հալածէին
'ի սրբանուէր վայրացն . փարի զորդով
քրն, փարի զսեղանոյն սրբութեան և
արտասուք յաչացն վտակօրէն կայլակեն
և սիրտն անդամանդեայ որ մահու և
հալածանաց, վշտաց և նեղութեանց
դիմազրուա նահատակէր, ոչ ևս ժող
ունի յարտասուագին հառաչանացն, և
սիրտն ցաւազին՝ ցաւաղնելոցն միտար
մատուցանէ : Մէջ, 'ի վերայ շինուածոյ
մենաստանին, ոյր մօտալուտ 'ի վերայ
կայր կործանումն, շնչասպառ անկանէին
և ինքեանք . ընդ սպասուց եկեղեցւոյ
խարուկէին և անարատ սիրտք նոցա
յողջակէզ, եթէ ոչ կամք Մտուածոյ

քաղցրացուցանելին նոցա զվիշտս տա-
ռապանացն : — Բայց հրաման ստիպո-
ղական զսիրելիս՝ ի սիրելեաց , զդաստա-
կերտ ի բրտնաջան վաստակաւորաց ,
զեղբայր յեղբօրէ անջատէր , ոմանց
պատրաստելով ի զոհ մարդախոշոշ եր-
կաթոյն , և այլոց զանձինս լուծական
ահեղ ալեացն մատնելով : Հողմն ուռու-
ցիկ գալարէր գոգ տայր առաքաստիցն ,
նոցա աչքն հալեալք ի դղեակն հայէին
և զտունն նկատէին և զեկեղեցին սըր-
բութեան . ծածկէր յաչաց նոցա տեսիլն ,
և ի միտսն դեռ կենդանի կայր յի-
շատակն . ի վերայ ընդարձակածաւալ
ծովուն նոքա զՍեթուն խնդրէին անը-
ռելի արտասուօք , նոքոս զեղբարսն որո-
նէին զսիրով սիրեցեալսն , և հառաչանս
արձակէին . . . Եւ Սիսիթար թէպէտ
անդադար ի դառնութեան արտասուա-
ցն , յերկինս զանդրդուելի խարխիս
յուսոյն արկեալ ձգէր . և ի հովտէ ան-
տի արտասուաց , ի բարձանց փրփրա-
ցեալ ալեացն և ի լեւանց վշտաց և ցա-
ւոց տեսանէր զվայրն պատրաստեալ յա-
ռատագութ կամաց բարերարին . . . որոյ
ձեռքն սանձակալ ալեացն լինելով բըռ-
նութեան , զհիւրադաւ ըմբոստացեալ
բերանսն կարկէին , և ածեալ հասուցա-
նէին մինչև ի խաղաղասիւք ափունս
հանգրուանիս : Եայնժամ ապա ամեն-
արուեստ ճարտարապետն Ստուած՝
միւսանգամանդնդալիւր զհիմունն ձգէր
զլուսատու բարձրաբերձ աշտարակիս
խաւարելոցն մեղօք և ալեկոծ տագնա-
պելոցն տգիտութեամբ . ձգէր զհիմունս
աստուածապահ զղեկիս իմաստութեմ ,
և խորտակէր զգորութիւն ալեացն վըշ-
տաց : Հինն և բարեպաշտօն հասարա-
կաց պետութիւնն զնոր հիւրսն անձկով
ընդունէր , և ընդ փաղանգս հրեշտակե-
րամ բարապանաց իւրոյ քաղաքին հա-
մարէր և գնոսա , որ շուրջ զաղաիւրն
պատեն զծովուն . որոց բերանք օրհնա-
բանք , առաւել քան զամենայն զէնս
գորութեան , մերժեալ հալածեն զհոյս
թշնամեաց : Բայց բնաւ և ընդ միտ ան-
գամ ոչ ածէր , որպէս յականաւորացն որ
վկայեաց այր , զի մեռցի նա որ կելոյ սո-

րա եղև պատճառք , և կղզեակ մի խո-
նարհ ծփեալ յալեաց՝ յերկարակեաց
քան զնա , վկայ հաւատարիմ բարեպա-
րիշտ կրօնասիրութեանն կացցէ . և
խուժք մի աստուածանուէր միանձանց ,
երկնից օգնականութեանն և առատա-
տուր պարգեւաբաշխ ձեռացն Սոչնի-
կեայ շնորհապարտ զանձինս դաւանեա-
ցեն , զի ընդ հոյաշէն զարմանալիս ճար-
տարարութեստ քաղաքիս ի համար գրեւ-
ցի և կղզեակն նուիրելոց սիրոյն Ստու-
ծոյ և ազգին , որոց կեանք վշտօք յաճա-
խեն և խնդութիւնք արտասուօք առա-
տանան : Եւ գիտէր նա զի որ կործան
զգահոյսն արկանէր մեծապանծ պետու-
թեանս , ոչ պատկառեսցէ և եթ յերե-
սաց սորա , այլ և զգաստիարակեալն ի
ամա ի ծոց իւր և ի մայր քաղաքացն
հիւրամեծար ասպնջականեսցէ : Օհ
արքայք և իշխանք , մեծատունն և
անինչ , տառապեալն և բարեբաստիկ ,
հիացմամբ զաչս առ նա դարձուցանի-
ցեն : Օայս և ոչ ինքն նկատէր Սիսի-
թար . քանզի և ոչ այսպէս արար տէր
ամենայն ազգաց :

Բայց թէպէտ և խաղաղութիւն եր-
կնաւոր շուրջ պատէր զՍիսիթարաւ և
զորդուովք նորա , այլ հարկ էր երկրա-
ւորացս յոխալոյ և ի բամբասանաց ոչ
լուել , զի մի խաղաղութիւնն դրդուեա-
ցի : Փոքրիկ և դեռաբոյս էր տակաւին
Սիւրբանութիւնս մեր , վասն որոյ և
կարօտեալ իսկ բազմագութ ողորմու-
թեանց բարձրելոյն . նոցա բերանքն
որք զմեզ չարաբանեն , որպէս երանելի
հայրն մեր ասէր Սիսիթար , խողո-
վակք են ընդ որ իջանեն և զեղանին
ի մեզ ջուրք ողորմութեան և գթու-
թեան Ստուծոյ . աղ էին նոքա հա-
մեմիչք , որ թէպէտ սակաւ մի կսկծե-
ցուցանեն , այլ և պահեն իսկ ի նե-
խութեանց : Երկնաւոր էր վարդապե-
տութիւնն Սիսիթարայ , այլ երկրաւոր
ոխութիւնն որ նմա ընդդէմ դառնայր .
զարմանաց և քէն վրիժուն , որ խռովս
ի հայրենին հանէր աշխարհ , որ զա-

շակերտս նորա մերժեալ հանէր 'ի տէրունեան այգւոյն . և յանդգնէր մինչև յաթոն առեալ ածել զյաչաղանս բամբասանաց ուր վեհապետն նստի Վրիստոսի փոխանորդ : (Ամբասանք զ) 'իսիթարայ յաճախէին և զաշակերտացն նորա , 'ի նենգուպատիր սրտից և 'ի մախացող բերանոց և 'ի տգէտ շրթանց . բամբաստին յաղազս անարատ վարուցն , յաղազս կենսաբեր երկնայնոյ վարդապետութեանն , յաղազս օգտակար և ընտիր մատենից . սոցա բերանքն յօրհնաբան գովաբանութեանց , և նոցայն 'ի բամբասանաց ոչ լռէին . սոքա զհալածիչն օրհնէին , և նոքա քարամբք վշտաց զնոսա քարկոծ առնէին . . . () վարինք վշտաց և նեղութեանց , որք զ)ստուծոյ առաքեալն հալածական մերժէին , որք սուրբ վկայիցն արեամբ զտիեզերս առողջանէին , որք զ)տեփանոսիւ կարկառս բարձրաբերձս դիզեալ կուտէին , որք և զնոյն ինքն զմարդացեալ (անն , և զբուն իսկ զճանապարհն և զճմարտութիւն քարկոծել ժպրհէին , փոխանակ զի ճմարտութեանն վկայեաց . նոյն քարինք էին որ 'ի վերայ () 'իսիթարայ և աշակերտացն նորա իբրև զտարափս կարկտի թօթափեալ անկանէին : — () վերք նոցա յաղթանակք են պանծալի . այն ինչ զնոսին ընկալեալ յերկրի , անդէն երկինք զհամբերողացն ածեն 'ի զլուխս նոցա զպսակ . զարիւնն հեղուն և արմաւենեօք փառաւորին . վշտօքն առաւել յաղթական հանդիսացեալ քան չարատանջ . քանզի տէր 'ի քարանց անտի յօրինէր պսակս վայելուչս և հիւսս վարսակալաց , զի դիցէ 'ի զլուխս նոցա պսակ 'ի քարէ պատուականէ : () այս հիմունս ետես () 'իսիթար , զնոյն և որդւոյն յանձնեաց . ետես զկրճել առամանցն և յօրհնութիւնս զիւրսն յորդորեաց . ետես զարտասուս իւրոյն և զնոսա միսիթարեաց . արտասուեաց և ինքն առաջի ()ստուծոյ՝ ոչ զի զնեղութիւնս յորդուցն բարձրէ , այլ զի սիրտ նոցա չնորհեսցէ անվկանդ և անպարտելի . . . () ջուրն դառնութեան ար-

բին յանապատի աշխարհիս հարքն մեր . և որ 'ի քաղցր զայն յեղանակէր , ոչ այլ ինչ էր բայց զփայտ սիրոյ ազգին , զոր երբեմն ()արայէն արկանէր 'ի դառնութեան ջուրս ()եռայ . զարտօսը հեղին ցաւազին , և որ միսիթար նոցա լինէր , չէր ինչ այլ բայց զի առ սէր ()ստուծոյ և առ սէր ազգին զայն հեղուին :

()սպիտի իմն պայման կենաց չնորհէին երկինք () 'իսիթարայ , միշտ 'ի վիշտս և հանապազօր յաստուածատուր խաղաղութեան . վասն որոյ և մինչդեռ զվայելակերտս զայս կառուցանէր մենաստան , յորժամ կարգս երկնակրօնս մեզ հաստատէր , զվահան անդրդուելի սիրոյն ()ստուծոյ և հայրենի աշխարհին 'ի ձեռն առեալ , անմուխ յամենայն նետից չարութեան բամբաստսիրացն առնէր , անմեղութեան հեղաձայն և աննկուն բարբառովն յապուշ և յակճիւս զակն տիեզերաց կացուցանէր . և ուր թշնամիքն ոխացեալ մոլեգին՝ յաչաց զնա և զիւրսն հանել ջանային , ամենեցուն աչք 'ի կղզեակն լինէին ակնկառոյց , ամենայն բերանք զհայրն բարեգութ գովէին , և ամենայն ականջք ընդ նա զարմանային : ()սպէս և չարութիւն խայտառակեալ մերկանայր զպատրուակն առաջի անյիշաչար անոխակալութեանն () 'իսիթարայ . և որք զնա 'ի խաչն ցաւոց բւեռէին , նոքա բաղխէին զկուրծս՝ զիմաստնոյն գոչելով . “ ()եք անմիտք՝ զվարս դորա մոլորութիւն համարէաք , և զվախճան դորա յանարգութիւն . զիարդ համարեցաւ ընդ որդիս ()ստուծոյ , . և որք զնա բամբասանօք քարկոծ առնէին , յանցանել թափոյ սրտմտութեանն և 'ի լռել նախանձայոյզ վայրագութեան , իբրև զնոր ()աւղոս զգտացեալ մտաբերէին , և իղձ իմն լինէին միւսանգամ զքարինսն յերկրէ ժողովել և անձամբ զանձինս կոծել : ()ի ոչ մինչև 'ի սպառ երկայնէր ձգէր ճանապարհն անգիտութեան , յոր կամաւ խարխափեալ անկանէին . ծագէր 'ի սիրտս նոցա նշոյլ լուսոյ սուրբ աւետարանին , այն որ զաշխարհ լուսաւորեաց և զ() 'իսիթար փառաւորեաց . տեսա-

նէին ուր ուրեմն զՍխիթար 'ի հանգրուանին սրբութեան մեկուսացեալ, և ինքեանք ևս գային շուք մեծարանաց և սպասու հարկանել նմա : Բնութեամբ էր՝ որ 'ի սրտիցն թափէր զմաղձն դառնութեան : Բնութեամբ չնորհէր էին որ առաւել քան զամենայն հողմքաղցրասիւք՝ զնաւակն սրտից նոցա բաղխմամբ ալեաց թշնամանադիր նենգութեան, 'ի խաղաղաւէտ առեալ ածէին 'ի կայանս : 'ի խաւարէ անտի զշոյն տեսանէին որ զաչն շրջուցանէր, և կորակոր ամալէին : Ս' զօրք զօրութեանց Սխիթարայ, որում աստելութիւն և քէն, ուր ուրեմն զքէնսն յանձն առնէին : կըռուեալք ընդ աստուածախրախոյս նահատակին, և զնա յաղթահարել ոչ լեալ զամագիւտք՝ 'ի նմանէ յօժարամիտ պարտէին : երկոցուն միանգամայն ընդ Բնութեամբ չնորհացն առաւելութիւն զարմացեալ հիանալով :

Բնութեամբ հանգստարան վայրս սրբութեան՝ տուն գանձու լինէր հայաստան ժողովրդոց : աստէն թուէին սլանային ոտք աւետարանչացն խաղաղութեան, լսելի առնել զբանս պատգամացն ընդ ամենայն երկիր : աստէն մատենքն ծաւալէին երկնայնոյ և երկրաւոր վարժից : աստէն գետքն խաղային յորդառատ վտակաց բանին, զծարաւելոցն հարկանել պասուք : և այլ զի գիտեմ, ծագք աշխարհաց տեսին զօրդիս Սխիթարայ, և երանեցին բազմին հայկայ : տեսին զնոսա ալքն դիզացեալք բարձրացեալք, տեսին և թխատիպ տխրագցեաց քարինք խաւարչուտ բանտից, և զարմացան ընդ սէրն Բնութեամբ և ազգին, որք և զկեանս անգամ խնդութեամբ մերկանան : տեսին զնոսա արեւելք և արեւմուտք, և հիացան ընդ սէրն աճեցուն և 'ի հալածանս անդ :

Ի լուսն լինէր աղետիցն Սխիթարայ, մոռացուցանէր նմա Բնութեամբ զվիշտ տառապանացն և 'ի տառապանս անդ : և ահաւասիկ զարտասուսն տեսանեմ զծնելասէր որդեկացն, և զհառաչանս լսեմ զնոցա : ահ, զի եղև, ընդէր սպըլ-

դեցաւ եմուտ 'ի նոսա տրտմութիւն : — և զիմորդ ոչ — : Եղիսէոս առ Յորդանանու կայ, և Եղիայի կառքն հրեղէնք իջանէն յերկնից : Սխիթարին երթայ, և զուրախութիւնն ընդ իւր առեալ տանի : Բնութեամբ առաքեալն զընթացան կատարեալ զհաւատս պահեալ, այսուհետև կայ մնայ նմա զարգարութեանն առնուլ պսակ, զոր պատրաստեաց Բնութեամբ սիրելեացն իւրոց : Բնութեամբ ոչ : Սխիթար ոչ եմուտ 'ի մահի՞ն մահու, այլ ոտնփոխ մի և եթարար, յարահետն յաւիտենականութեան, 'ի ճանապարհն զոր քրտնալիր հաւանէր անդրտին 'ի գեղածաղիկ աւուրց մանկութեան իւրոյ : պահօքն և ապաշխարութեամբ, հալածանացն վշտօք՝ զօրհանապազ 'ի մահն մերձենայր Սխիթար, յառհաստեացն յաւիտենից երանութեան : վասն որոյ գիրկընդխառն ընդ նմա լինէր, առաւել քան զամենայն բարեկամ զնա ողջագուրէր : և զգոյզն զայն մասն մարմնոյն զոր հանապազօրեայ ճգունքն ոչ մաշեցին, զանծախն 'ի հրոյ սիրոյն Բնութեամբ և հայրենեաց, յոր անխայեցին խորագանաբախ ճգունքն և լալահառաչ արտասուք, նմա յանձն առնէր, թեթեւակի թուէր վերանալ յամենաժողով տօն սրբոցն խրախութեան : Ահա հի՛ն ահագորոյն՝ այլ բարեկամ ըղձակաթ զնա համարէր, որ լուսն տալ եկեալ իցէ փրկութիւնաբեր գործոյն, յոր անձամբ ձեռն էարկ : “ Դու զիմն, աղաղակէր Սխիթար, դու զիմն, ո՛վ մահ, կամիս յինէն զմարմին : յայդ և ես ինքն ջան եղեալ տքնէի յեթեմանս սուն ամաց և այսր : ” Բնութեամբ, արդարեւ հանապազօր 'ի բռն ունին արդարքն զոգիս, յօժարակամք 'ի դարձուցանել զայն որում չնորհեացն : և արգասիք վաստակոցն Սխիթարայ մղէին ճեպեցուցանէին իմն զնա, երթալ առնուլ զպսակն փառաց : Բնութեամբ ոչ : Սխիթար ոչ անկաւ 'ի մահի՞ն մահու, այլ ել նա 'ի լեռն փառաց յաւիտենականութեան, ետես զերկիր աւետեաց յերկնս, դարձաւ յերկիր՝ ետես և զերկիրս զայս պարգեական : և արտասուք խրն-

դու թեան յաչացն քամէին . դարձոյց զերեսս և ՚ի թիկունս կոյս , և քաղցրախառն յիշատակութիւնք վշտացն զեղան լցան ՚ի սիրտ նորա . ետես զբազմութիւնս ազգաց զգումարեալսն ՚ի վերայ իւր ՚ի պատերազմ . զվտանգսն բազմապատիկս , զցաւս անհնարինս , և ետես ՚ի սպառուած աղցաւոր կենացն զանձն իւր ժամանեալ . ետես զհարսն ձեր , ետես զձեզ և զվաստակս ձեր , հառաչեաց և արտասուեաց . եթող առ մեզ զօրինակ առաքինակրօն վարուցն և համբերատար ժուժկալութեան . լռեցին հեծեծանք նորա , լռեաց և հոգին . . .

Եւ թուեալ յերկինս Սիւրբարայ , որ էարբ զբաժակն դառնութեան . խզեաց զտոնակապս գերութեան , եւ յերկրէ վշտաց ուր հեծէրն ցաւագին : Յափրչտակեցաւ Սիւրբարայ ՚ի ծոցն աստուածեղէն , ուստի ելքն նորա եղեն . մեկնեցաւ յաշխարհէ , որում չէր արժանի . և սեղան զոհին Սիւրբարայ , լինէր մահա զեկոյց հանգստարան շիրիմն :

Եւ եմուտ Սիւրբարայ ՚ի կայանս երջանկացն . ելնա ՚ի մահուանէ և խառնեցաւ ՚ի կեանս . հոգին ՚ի ձեռս հրեշտակաց , և մարմինն յողբս աշակերտաց . յերկինս խնդութիւն , յերկրի արտասուք : Երացաւ Սիւրբարայ , և ո՞ զապերջանիկ աշակերտելոցն զումար սփոփեցէ . . . Քաւ ոչ . Սիւրբարայ ոչ մեռաւ . Սիւրբարայ յերկինս , բայց ոգի նորա կենդանի է յաշակերտս իւր . կենդանի է Սիւրբարայ ՚ի ջանս և ՚ի վաստակս նոցա . կենդանի է Սիւրբարայ յաստուածապատիւ Վահագնուի ուխտիս , զոր սէրն Ստուծոյ և ազգին հեռի յաթուռոյն դեգերեցուցանէ . քրտունք նորա և արտասուք , քրտունք և արտասուք են Սիւրբարայ . հառաչանք նորա և վաստակք՝ զօրհնութիւնս երկնից ցօղեն կուտեն ՚ի գլուխս մեր . կենդանի է Սիւրբարայ յաշակերտս իւր , զորս սէր ազգին ճգնեցուցանէ , և որոց զվիշտս քաղցրացուցանէ սէրն աստուածային : Յանմահութիւն ճակատագրեաց Ստուած ձեօք զՍիւրբարայ . յանմահութիւն և զմեզ Սիւրբարաւ . վիշտք և ձիւնաբերք

անձկութեանց՝ սոքա ամրապահեստ հիմունք են Սիւրբանութեանս մերոյ . սոքա անտեղիտալի յամենայն վտանգաց և ցաւոց զաստուածանուէր զյարկս գործեցին յերկոյ յօրելեան ամաց և այսր : () Եհնեալ տէր Ստուած Սիւրբարայ , որ զբիւրաւորսն Եղիսէի շուրջ զսրբութեան կայանօքս պար առեալ շրջեցուցանէ . օրհնեալ տէր Ստուած Սիւրբարայ , որ զհուր հնոցին ՚ի քաղցրութիւն յեղանակէ զովագին օդոց , և զիւրսն ՚ի վիշտս անդ անդադարս յաստուածահաճոյ վաստակոց գործէ : Վահատակս կարգեաց զմեզ Ստուած սիրոյն իւրոյ և հայրենեաց . ՚ի նոցուն կենդանարարնետից խոցեցաւ Սիւրբարայ , խոցեցան և սիրտք աշակերտացն նորա . երանի մեզ եթէ խոցեսցին և սիրտք մեր : Մէ , չեմք ինչ ազնուագոյնք քան զհարսն մեր և զվարդապետս . մահն որ զնոսա անմահացոյց և յերկինս և յերկրի փառաւորս արար , անմահացուցէ և զհետեոյս նոցին . քիրտն զոր նոքա հեղին , և զմեր ճակատս ծանրացուցէ . նուազեցի արարածական միսիթարութիւնս , անարատ լիցին կայանքս յերկրաւոր այցելութեանց , զի երկնաւորքն առատասցին . հարցին բաղխմունք կռնացն երկրաւորաց , զի չէնս Ստուծոյ հաստատութիւն առցէ : Սպալիսի նահատակս կամի Ստուած , այսպիսի աշակերտս ինդրէ Սիւրբարայ , այսպիսի վաստակասէրս ինդրէ և տուն հայրենեաց մերոց :

1851 , Ապրիլ 27 :

հ . Գ . 2 .